



# Synfocity = 392

31<sup>st</sup> May, 2012

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

## □ Synod Lay Workers' Fellowship Day

Mizoram Presbyterian Church Synod hnuiaia ordained Minister ni lo zawng zawng, thawk mek leh pensioner-te inthlunzawmna Synod Lay Workers Fellowship (SLWF) chuan May 25 khan nilengin P.C. Girls' School-ah Lay Day wawi 38-na an hmang a, thupuih 'Simna' (Matthaia 3:2) tih an hmang.

Lay Day programme hi hun thumah then a ni a, chawhma lamah hun urhsun hman a ni a, Upa F. Lalremthanga, Superintendent, Synod Office-in a kaihruai a, inchhiarnate neiin Lay Workers Fellowship Secretary leh Treasurer report-te ngaihthlak a ni. Synod Moderator Rev. Thangzauva'n Lay Day address a pe a, Synod Moderator chuan, Mi tam takin, 'Pathian rawngbawl hi a hlawk lo, channa a ni', an tih laia Lay workers 800 chuang zet kan nei hi a lawmawm a, Lay rawngbawltute hi Synod leh Kohhran hmel lanna an ni a, keimahniiin rawngbawltua kan inngaih bakah miten Krista thuhretuah leh a rawngbawltuah min ngai rawh se, a ti. Lay worker-te chu Pathian lakah, mihringpuite lakah leh mahni lakah rinawm turin a fuih a, department tina thawktute hi, kan hna inang lo mah se, kan pawimawh ber theuh a ni, a ti bawk.

Chawhma inkhawmah hian kum 2011 -2012 Lay Day inkara Lay member thi mi paruk sunna hun urhsun taka hman a ni a, member thite chu :

1. Vanlalhruaia Chinzah, Recording Assistant, Synod Office (July 9, 2011)
2. Pi P.C. Famkimi, Evangelist Teacher, Synod Office (August 25, 2011)
3. Pi Lianchungi, Sister, Durtlang (October 18, 2011)
4. Upa Zalawma, PRESCOM (October 28, 2011)
5. Pu R. Laltholiana, Evangelist Teacher (November 13, 2011)
6. Upa D. Vanlallawma, Pensioner (January 16, 2012)

Heng bakah hian pension-a chhuak lay member 7 chawimawina leh thlahna neih a ni a, chungte chu :

- |                      |                        |
|----------------------|------------------------|
| 1. Pu C. Lalrinmawia | 5. Ni. H. Lalngurliani |
| 2. Pi C. Lalrokimi   | 6. Pu T. Zachhunga     |
| 3. Pu Lalbiakthanga  | 7. Pu B. Lalngheta     |
| 4. Upa B. Bawlkhumma |                        |

Lay Workers Fellowship inkaihruaina bu tlangzarh a ni a, Upa Dr. H. Lallungmuana, Salem Vengin Lay Day 2012 thupui 'Simna' (Matthaia 3:2) tih thupui hmangin Thuchah a sawi a. Upa Lungmuana chuan, Baptistu Johana leh Lal Isua thupui tlangaupui ber kha Simna thu a ni a, an huaisen a, a takin sual an do a. Tumah hmai zah bik nei lovin an hmaichhanah an dik lohna an hrilh ngam a ni. Baptistu Johana khan Israel fate chu an thlahtu Abraham a nih vang maia ngaihtha mai tur an nih loh thu a sawi angin, Mizorama Kohhran lian ber Presbyterian Synod hnuiaia rawngbawltu nih ringawt hi ngaihthatna tur a awm lo. Ni tin, thla tin keimahniah sim tur kan nei. Hnah hlui hnah tharin a thlak thin ang hian thlarau lam thil thar, zik thar chhuah zel tura beisei kan ni, a ti a. "Kan sum hnar hi Pathian miten malsawmna an dawn ang zela an thawhkhawm chauh hi a ni a, sum hnar dang kan nei lo. Pathian sum enkawltu kan nih angin kan rinawm tur a ni. Miten kan rawngbawlina an dem lohna turin kan fimkhur a ngai a, kan tawngka aiin kan nunin thu sawi tam rawh se", a ti bawk

Chawhnu dar 1:00 atangin 'Hun Zangkhai' hman a ni a, Pi Lalropui, Headmistress, P.C. Girls' School-in hunserh a hman zawhah Items hrang hrang hmangin inelna neih a ni. Tlai dar 3:00 atangin 'Hun hlimawm em em' hmang lehin tlaiah ruai an theh nghal bawk.

Synod Lay Workers Fellowship Day hi kum tinin May thla Zirtawpni hnuhnung berah hman thin a ni a, Synod Calendar-ah pawh ni pawimawh zingah tarlan a ni. Tunah hian Synod hnuiaia thawk Lay Member 861 an awm a. Kumin Lay Day hi Synod Office leh P.C. Girls' School-in P.C. Girls' Sikulah an thleng a, member 550 vel an tel thei a ni. Lay Day pualin tanpui ngaitte chhawmdawlna lakkhawm thin a ni a. Kuminah hian buhfai leh pawisa thawhkhawm a ni a, a semchhuahna tur chu la ngaihtuah a ni ang. Nikum Lay Day pual khan Synod Hospital-ah thisen unit 156 pek a ni a, sum thawhkhawm Rs. 12,400/- leh thawmhawm engemaw zat Tawngtai Bethel Camping Centre, Chawnpui leh Samaritan Rianguvai Run, Seling-ahte pek a ni bawk. Lay Day pual hian Synod Hospitalah thisen pek thin a ni a, Department remchan dan ang zelin a inchhawkin thisen hi pek thin a ni.

## □ Synod Choir (2012 - 2014 ) Member Thar Hlanna

May 25 khan kum 2012 - 2014 chhunga Synod Choir member tharte hlanna inkhawm, Pi Zaii Hall, Synod Conference Centre, Mission Vengah neih a ni.

Inkhawm hi Rev. Lalrinmawia, CKTP Leader-in a kaihruai a, Upa Lalrinmuana, CKTP Gen. Secretary-in Reports a pe a, Synod Choir member tharte hmelhriattirna a nei bawk. Rev. Zosangliana Colney, Executive Secretary i/c KTP-in Fuihna Thuchah a sawi a, 'Kan thiltih reng rengah lungawina leh lawmna kan neih a ngai a, lawm chunga rawngbawl tur chuan rawngbawlina hi duh berah kan thlan a ngai a ni. Lalpan min kohna hi kan hriat chian a pawimawh a, Pathian tel lovin engmah kan ti thei lo ang bawkin Pathianin keini tel hian thil tih a duh a ni. Chu rawngbawl hna thawk tur chuan lungawi leh phur taka kan thawh a ngai a ni,' tiin zaipawl member-te fuihna thu a sawi a, Pathian hnenah inhlan tharin tawngtairualna neih a ni bawk.

Synod Choir member-te hlanna inkhawm hi North East India Christian Council (NEICC) President Rev. Lalhualpiana te nupa leh an fapa, North East India Christian Council Youth Assembly (NEICCYA) President Rev. Jesai L. Neitham ten an rawn hmanpui a, Rev. J. Lalhualpien hian thuchah tawi a sawi a, Upa Zothangzuala Chhangte, CKTP Treasurer-in Malsawmna sawiin inkhawm a tin a ni. Programme hman zawh hian zanriah kilho nghal a ni a, Synod Choir Cabin-ah an inhmukhawm leh nghal bawk.

Synod Zaipawl hian kum 1929 atang tawhin hming hrang hrang invuahin zaipawl rawngbawlina an lo kalpui tawh thin a, kum 1989 atang khan Synod Executive Committee (SEC) remtihhain 'Synod Choir' tih hming an lo pu ta a ni.

### SYNOD CHOIR MEMBER (2012 - 2014) :

**Director** : Tv. Vanlalhruaia, Commt. Member, CKTP

**Conductor** : Pu K. Lalbiakthanga, Durtlang

- |   |   |
|---|---|
| 1. Lalmangaihi, Dawrpui Vengthar (Dawrpui Vengthar Bial)  | 13. Pu Jacob Lalrohuna, Bungkawn (Bungkawn Bial)            |
| 2. Lalrinfeli, Ramhlun North (Ramhlun North Bial)         | 14. Lalrinfela, Ramhlun Vengchhak (Ramhlun Bial)            |
| 3. Vanlalhruaii, Republic Vengthlang (Republic Veng Bial) | 15. Dr. Zothansanga, Dawrpui (Dawrpui Bial) <i>Contd...</i> |

- |  |  |
|--|--|
| 4. C. Lalramuani, Armed Veng (Armed Veng Bial)             | 16. Isaac Lalramthara, Venghlui (Venghlui Bial)                    |
| 5. Lalfakzuali, Khatla North (Khatla Bial)                 | 17. John Lalremruata, Centenary (Venghnuai Bial)                   |
| 6. Rinhmingsangi, Aizawl Venglai (Electric Bial)           | 18. Pu C. Lalchamlia, Mission Vengthlang (Mission Vengthlang Bial) |
| 7. Lalbiakremi Fanai, Bawngkawn Chhimveng (Bawngkawn Bial) | 19. Pu Lallianmawia Tlau, Zemabawk (Zemabawk Bial)                 |
| 8. Rodi Lalremruati, Tlangnuam (Kulikawn Bial)             | 20. P.C. Lalmingsanga, Leitan (Leitan Bial)                        |
| 9. Nancy Zothanmawii, Mission Veng (Mission Veng Bial)     | 21. Pu V.L. Ramdinthara, Chaltlang (Chaltlang Bial)                |
| 10. Lalchhuanmawii, Tuithiang (Chhinga Veng Bial)          | 22. Lalduhawma, Maubawk West (Maubawk Bial)                        |
| 11. Vanlalpari, Luangmual Vengthlang (Zonuam Bial)         | 23. Ramdingliana, Luangmual West (Luangmual Bial)                  |
| 12. Rebecca Saidingpuii Sailo, Bethlehem (Bethlehem Bial)  | 24. David Vanlalpeka, Chanmari West (Chanmari Bial)                |

☐ **Synod Mission Board**

Synod Mission Board hnuai Mission Field hrang hrangah hetiangin kuminah ringthar baptisma chang an awm :

1) Arunachal & Assam - 14 (March '12 thleng)	10) Karbi Anglong - 74 (April '12 thleng)
2) Arunachal & Assam - 148 (March '12 thleng)	11) Kolkata - 164 (April '12 thleng)
3) Assam - 50 (April '12 thleng)	12) Lucknow - 48
4) Barak - 42	13) Nepal - 55 (April '12 thleng)
5) Cachar Tlangram - 21	14) Patna - 25 (April '12 thleng)
6) Delhi - 53 (May '12 thleng)	15) Siliguri - 36
7) Home Mission North - 66	16) Tripura - 716 (April '12 thleng)
8) Home Mission South - 150	17) Masihi Sangati - 242 (May '12 thleng)
9) Jharkhand - 167	<b>Belhkhawm - 2071</b>

☐ **MSSU**

♦ June 1 - 4 chung hian Bukpui Bethel Kohhranah Sunday School Zirtirtu Training neih a ni dawn a, training neihpui tur hian Pu Lalthahluna Ralte, MSSU Asst. Coordinator leh Rev. H. Lalchhanhima te an kal ang.

♦ Kum 2012 Khawvel Sunday School Ni zir tur :

**Puitling zir tur** : Jonathan Edward (By Upa C. Thanga, Ramhlun Venglai)

**Naupang zir tur** : Helen Keller (By Dr. Lalrindiki Ralte, ATC)

♦ Kum 2011 Pathian thu Exam-a Department tina lawmman hmuh dan tlangpui :

Sl.No.	Department	Ziakthei	Ka-a chhang	Total
1.	Senior	5,444	-	<b>5,444</b>
2.	Sacrament	2,711	-	<b>2,711</b>
3.	Intermediate	6,309	-	<b>6,309</b>
4.	Junior	6,496	2,890	<b>9,386</b>
5.	Primary	-	11,366	<b>11,366</b>
6.	Beginner	-	6,687	<b>6,687</b>
7.	Masihi Sangati	260	107	<b>367</b>
	<b>Total</b>	<b>21,220</b>	<b>21,050</b>	<b>42,270</b>

☐ **Kohhran Hmeichhia**

June 2 - 4 hian Aibawk Bial huapin Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe Committee members, Dr. Vanlalhruii, Pi K. Lalthangmawii leh Pi Ramngaisangi te an kal.

☐ **Campus Ministry**

Rev. V. L. Krawschuanmawia i/c Campus Ministry chuan May 28 khan Govt. Republic High School-ah hun a hmang a, nimin (May 30) khan Vaivakawn High School-ah hun a hmang bawk. Vawiin (May 31) hian Govt. Mizo High School-ah hun a hmanpui a, June 4 (Thawhtanni) chawhma hian Tuikual High School-ah hun a hmanpui leh ang. June 5 (Thawhlehi) chawhnu hian Lalfak Senior High School, Venghluiah hun a hmanpui leh ang a, June 6 (Nilaini) chawhmaah ITI High School-ah hun hmanpui lehin June 7 (Ningani) chawhmaah Kanan High School-ah hun a hmanpui leh ang. June 1 (Zirtawpni) chawhnu hian Pu John Lalhruiitluanga, Social Front Asst. Coordinator-in Govt. Pianghleia High School-ah hun a hmanpui bawk ang.

☐ **Social Front**

♦ June 2 & 3 hian Hnahlan Bial KTP Half Year Meet, Lungphunlian Kohhranah neih a ni dawn a, hetah hian 'Sex Education chungchang' zirho a ni dawn a, Dr. Robert S. Halliday, Social Front Coordinator leh Tv. C. Lalremruata, Outreach Worker ten an zirpui ang.

♦ **World Environment Day pual thuchah**

World Environment Day (June 5, 2012) denchhenin Mizoram Synod Social Front chuan environment humhim leh venhim hi kohhranho hma lakna tur pawimawh tak, sawtpui leh hlawkpui tak tur a ni tih hriain kohhrana sem chhuah tur Environment Day thuchah a buatsaih a, kohhran inkhawm remchangah lo chhiar chhuak turin an ngen a ni. Environment Day Thuchah hi phekk hnungah tarlan a ni.

☐ **Upa Seminar hmang**

Mizoram Presbyterian Kohhran hnuai Aizawl Hmar Presbytery chuan May 26 (Inrinni) khan bawngkawn Kohhran Biak Inah Upa Seminar an hmang.

Chawhma inkhawmah Aizawl Hmar Presbytery Moderator, Pastor Z.D. Lalmachhuanan programme a kaihrui a, Presbytery Ziaktu Upa C. Thanthiangan thupuangin inhmelhrattirna hun a nei a, Thupui 'Kohhran Humhalh - Pathian Biak Inkhawmah' tih hmangin Pastor P.C. Pachhunga, Bawngkawnin paper a present a, sawihona hun hman a ni. Chawhnu lamah Presbytery Treasurer Upa Lalramliana Ralte in inkhawm a kaihrui a, 'Kohhran Humhalh - Kohhran thar siam zel kawngah' tih thupui hmangin Upa C. Ngurthanmawia, Zemabawk in paper a present a, sawihona hun neih leh a ni.

Aizawl Hmar Presbytery-ah hian Bial 6 a awm a, Kohhran 29 awmin Branch Church 3 a awm mek a, Seminar-ah hian Kohhran hruaitute mi 243 lai an kalkhawm a ni.

☐ **Pavalai Revival Meet wawi 7-na**

June 2 & 3 hian Pavalai Revival Meet wawi 7-na, Zarkawt Kohhran Biak Inah neih a ni dawn a, speaker atan Tv. Zairemmawia, Synod Revival Speaker an hmang ang.

☐ **Synod Bookroom**

- ♦ June 2 & 3 hian Kolasib College Veng Kohranah Kolasib Diakkawn Pastor Bial KTP Half Yearly Meet neih a ni dawn a, hetah hian Synod Bookroom lamin Literature Campaign an nei ang a, Pu Lalniliana, Synod Bookroom Manager-in thu a sawi ang a, Tv. Lalzarmawia, Sales Promoter-in slide show a present ang.
- ♦ Synod bookroom chuan June 5 - 9 chhung hian Aizawl khawpui chhung Branch, Headquarters Showroom leh Stockroom kawtah **Stock Clearance Sale** a buatsaih leh dawn a, lekhhabu (Mizo & English) zawng zawng, Bible, Kristian Hlabu, Kohhran leh School mamawh chi tinreng leh Stationery Items te 5% - 80% discount-in hralh a ni ang. Discount pek dan tur tlangpui hetiang a ni :
 

1. Stationery item zawng zawngah - 10%	7. Kristian Hlabu Big Leather @ Rs. 360/- - Rs. 330/-
2. S.O.R. lekhhabu-ah - 10%	8. Kristian Hlabu Small @ Rs. 100/- - Rs. 90/-
3. English O/F-ah - 10%	9. Thuthlung Thar & Sam @ Rs. 55/- - Rs. 50/-
4. Bible - Rs. 140/-	10. English General Old Stock - 80+%
5. Kristian Hlabu Big @ Rs. 380/- - Rs. 200/-	11. J.F. Dictionary - Rs. 110/-
6. Kristian Hlabu Ordinary @ Rs. 150/- - Rs. 130/-	12. Thuthlung Thar & Sam with Thufingte - Rs. 55/-

☐ **Music**

May 31 & June 1 zan hian Dinthar Vengthlang Kohhranah Khuang vuak Training neih a ni dawn a, training neihpui tur hian Pu Lalromawia, Synod Music Instructor a kal ang.

☐ **Kristian Thalai Pawl**

June 1 & 2 hian Central KTP hruaitu tharte pualin Orientation Training-cum-Retreat, Synod Multipurpose Training Centre (SMTC)-ah neih a ni dawn a, Synod Moderator Rev. Thangzauva leh Rev. Zosangliana Colney, Executive Secretary i/c KTP ten thuchah an sawi ang. Programme kimchang a hnuaiah tarlan a ni.

☐ **Hruaina Eng FM Radio & TV Programme**

- ♦ **JUNE 1 (FM Radio @ 7:30 p.m.) : Choir** : Mizoram Synod Choir - Hriatchian leh zual che ka duh, BSI Lunglei - Inpeih thuai rawh, **Thuchah** : Upa C. Lalduhawma - Bawlhhlawh sawngbawl dan, **Solo** : Sangliantanga - Aw Kraws, Rebecca Saimawii - A lo tawk reng si
- ♦ **JUNE 3 (TV Programme @ 3:00 p.m.) :**  
**Choir** : TBZ Choir - Min Pui Ang Che, **Lay Day thuchah** : Rev. Thangzauva, Moderator, Upa Dr. H. Lallungmuana, **Solo** : Evelyn Lalremsangi - Lalpa thiltih theihna, **Mizoram Synod Choir (2012 - 2014) Pathian hnena hlanna**

☐ **Susamachar Prasaran Programme**

June 3 (Pathianni) 5:00 pm. Hindi Gospel Programme (Susamachar Prasaran) : **Group/Choir/Solo** : Electric Bial Masihi Sangati Zaipawl, **Group/Choir/Solo** : Dawrpui Vengthar Pastor Bial - Yeshu Masih, **Sermon** : Zohmingthanga - Yeshu me uddhar, **Group/Choir/Solo** : The Leprosy Mission Choir - Hame Sab Kuch Vo De Ta, **Group/Choir/Solo** : Bawngkawn Masihi Sangati

☐ **Moderator Programme**

- Synod Moderator Rev. Thangzauva chuan tun kar tawpah heng Kohhranah hian hun a hmang ang :
- ♦ June 2 (Inrinni) Chawhnu - Sawleng Hmuntha Kohhran Biak In a hawng ang
  - ♦ June 3 (Pathianni) Chawhma - Darlawn Kohhran
  - ♦ June 3 (Pathianni) Chawhnu - Sawleng Kohhran
  - ♦ June 3 (Pathianni) Zan - Sawleng Hmuntha Kohhran

**CENTRAL KRISTIAN THALAI PAWL  
ORIENTATION TRAINING - CUM-RETREAT PROGRAMME**

<b>A hmun</b>	:	<b>Synod Multipurpose Training Centre</b>
<b>A hun</b>	:	<b>1 &amp; 2 June, 2012 (Fri &amp; Sat)</b>
<b>June 1, 2012</b>		
4:30 - 5:00 p.m	:	Thlenkim
<b>Session 1-na</b>		
5:00 - 6:00 p.m	:	Thusawi inkhawm
Chairman	:	T.Upa Dr. Samuel Vanlalhlanga, Assistant Leader
Sermon (30 mins)	:	Rev. Thangzauva, Moderator
6:00 - 7:00 p.m	:	Zanriah ei
<b>Session 2-na</b>		
Chairman	:	Tv. VL Muanchhana, Asst. Secretary
7:00 - 7:30 p.m	:	Thuchah tawi (15 min)
Sawitu	:	Rev. Lalrinmawia, Leader
7:30 - 9:00 p.m	:	Central KTP Committee kalphung thenkhat
Sawitu	:	Upa Lalrinmuana, General Secretary
9:00 - 9:45 p.m	:	Zawhna leh chhanna / Ngaimawih zawng sawi
9:45 - 10:30 p.m	:	Mu tura insiam / Titiho / Mut tan
<b>June 2, 2012</b>		
5:30 - 6:30 a.m	:	Zingthawh / Thingpui
<b>Session 3-na</b>		
6:30 - 7:30 a.m	:	Devotion
Chairman	:	Upa Zothangzuala Chhangte, Treasurer
Thuchah sawitu	:	Rev. Zosangliana Colney, Executive Secretary i/c KTP
7:30 - 9:00 a.m	:	Zawhna leh chhana / Impressions
9:00 - 10:00 a.m	:	Tukthuan
10:00 a. m	:	Tindarh

## WORLD ENVIRONMENT DAY 2012 THUCHAH

Mizoram Synod Social Front Committee chuan khawvel puma Environment humhallhna ni June 5-ah kum tina hman thin chu hman ve tawh tha in a hria a; Environment humhallh tih hian ram leilung chhe zel te, thing leh mau rem zel te, nungcha mang zel te, boruak leh tui bawlhhlawh mek te humhallh leh venhim a tulzia inzirtirna hun atan hman thin a ni.

Heng kan han tarlan tak te hi kan ngaimawha, a chhe zel tur laka invenna kohhran ho hian kan ngaih pawimawh loh chuan chhiatna zakhua kan la tawng dawn a ni tih hriatna tuha theihtawpa tan la tura mi tinte inzirtir hi a tul hlah hlah a ni.

Kum tin ngaih pawimawh bik tur thupui neiin khawvel pumah mahni hmun theuhah bawhzui thin a ni a; kumina thupui chu *Green Economy: Does it include you?* tih a ni. He thupui hi Mizo tawng chuan Sum-pai zawwna him thaah hian i tel ve chiah em? tihna a ni thei mai ang chu.

UNEP (United Nations Environment Programme)-in **Green Economy** tih chu mihring dinhmun hmasawwna leh chanvo inang tlanga kan chan theuh theihna tur leh chhehvel thil tichhe lo thei ang ber leh khuanu ruat sa timang lo zawnga ei-bar zawwna a ni tiin a hrilhfiah a. Mi tin thleng phak, hlawk leh thil tichhe tlem thei ang ber ei-bar zawwna tihna a ni ber mai.

Ei-bar zawwna te, ram hmasawwna tur nia ruahmanna tam takah hian a buaipuitute hlawkna chauh ngaihtuah a awl hle mai a; lehlahmah mi tam takin sum an tel awlh awlh lain mi thenkhat chu an intunnunna tur ve ngei ngei pawh laksakin an awm a, an tuar tlawk tlawk mai a ni.

Sawrkar programme a ni emaw mimal sumdawng thil tih a ni emaw a rama thil awmte tichhe tur leh a mi chengte tawrhna thlen thei sum hmuhna a nih phawt chuan a him tawk lo a ni. Kan veng, kan khua, kan rama ruahmanna awmah hian kan tel ve em le?

Ram leilung kan hman dan te, ei-bar kan zawwna te, thing leh mau kan mamawh dan te, nungchate chungka kan rilru put hmang kawng hrang hrang hian mimal nun a nghawng a, vantlang nun a nghawng a, ram hnuk a khawih phak vek avangin fimkhur taka kan kalpui a tul a ni. Kan neih sa kan hman tangkai dan leh kan renchem dan hian kan tangka ip a nghawng tel zel avangin mi tinin mahni tih theih tawk theuh kan tih a pawimawh hle. Leilung leh a chhunga thil awmte kan ren thiam a, kan humhallh that chuan keimahni nawmna tur vek a ni tih hriaa ngaihtuahna thar kan hman a tul hle.

Mi tinin mahni awm hmun theuhah heng a hnuai mite hi ti thei ila nasa takin hma kan sawn ang a, sum leh pai pawh nasa takin kan hum thei dawn a ni.

1. Chhehvel tichhe tlem thei ang bera khawsak i zir ang u.
2. Polythene bag hmang tlema, puan emawa siam bag uar zawk a tha. A remchan phawt chuan no pangngai, hman nawn theih hmang uar ila, paih mai theih no ang chi hi intihhmuh loh a tha. Ram leilung tibawlhhlawhtu, hal khu hriselna atana pawh thei, paiha tawih ral si lo, a then fai nana tha leh sum tam tak sen ngai a ni flat mai.
3. Mahni ram thar chhuah ngaisangin a ei pawh i uar lehzual ang u. Ram dang thil chawh luh nan hian tha leh zung, sum leh pai, ram hausakna thlengin a kal ral nasa thin hle. Mahni tharte hi a man a tlawm ve pawh a pawimawh khawp mai.
4. Ei bang nawi leh tawih thei bawlhhlawh chi chu leiha atan i hmang zel ang u.
5. Eng renchem a, hman loh apiang tithim a hlu. Khawl thil reng reng hman dawn loh chuan tihlum vat vat zel tur a ni. Tul loa eng chhit reng hian a siamna hmanrua, sum leh pai a kiam heuh heuh ringawt mai a ni. Thawktu hlawk leh thildangah pawisa tam tak a luang ral a ni.
6. Ruah tui khawl tha ila, tui chawi nana kan hun hman, tha sen leh tui leina atana kan sum sen chu a kam duak mai ang. Tui ren hi a hlawk bawh. Sawrkar tiththlianghlim sa ngat phei chu far khat man hi a to teh a nia!
8. A rem phawt chuan thing hi phun zel mai tur a ni. A awmsa phei chu humhallh flat tur a ni. Thing a tam poh leh tuihna a tha a, ram a hnawng a, boruak a thianghlim a, a dai bawh.
9. Thil reng reng a hman tangkai theih chhung chu hman tangkai tur a ni. Lehkhapuan hnung lam awl kan hman tangkai avang ringawt hian lehkhapuan siamna atana thing hman chu a chanve hmawkin a tlem phah thei asin!
10. Kea kal tam a tha. Motor chuan ngai a nih pawhin inchuan tawm te, mipui phur chi-a chuan te a hlawk. Car-a kal fo ai chuan ke hnih neia chuan thin pawh a la hlawk zawk.

Ram leh a chhunga awm thil tinrengte hi kan tana hna tangkai thawh vek an ni a, kan mamawh tih hriat reng tur a ni. Kan nun khaw nawm leh zualna tur nia kan ngaih, khawsak awlsam zawkna leh thiam thil hmasawwna pawh hi kan sum tlang tihek lo leh leilung leh a chhunga awmte tina lo zawngin a kalpui theih a ni tih hi i vawng reng ang u.

### THLENG THAR

Synod Paper dawrah inneih/lungphun sawmna atana hman chi paper - rawng chi hrang hrang leh design hrang hrang a thleng thar e.

**General Manager  
PRESCOM**